

# Канон преподобному Феодосию Печерскому

Память празднуем 3 (16) мая

Тропарь, глас 8-й

Возвысився на добродетель, измлада возлюбив монашеское житие, к желанию доблественно достиг, вселился еси в пещеру и, украсив житие твое пощением и светлостью, в молитвах, яко безплотен, пребывал еси, в Российской земли, яко светлое светило, просияв, отче Феодосие, моли Христа Бога спастися душам нашим.

КАНОН, глас 8-й

Песнь 1

*Ирмос:* Колесницегонителя фараона погрузи чудотвори иногда Моисейский жезл, крестообразно поразив и разделив море, Израиля же беглеца, пешеходца спасе, песнь Богу воспевающа.

*Припев:* Преподобне отче наш Феодосие, моли Бога о нас.

Богоугодный подвиг стяжав, отче Феодосие, Боговидец явился еси. Темже молися Богу, Емуже угодил еси, отгнати мрак неведения моего, слово же блаженное вдохнути, воспети тя.

Преподобне отче наш Феодосие, моли Бога о нас.

От матерня чрева прилепился еси Богу, преподобне, яко премудрый Павел и пророк же древле Иеремия. Темже ты Божественная благодать устнами, Феодосие, Божия слугу нарече.

*Слава:* Спасителя заповеди послушав от юности, мудре, жизнь сию нивчтоже положив, крест желая носить на раменах твоих, вся земная возненавидел еси, на небесная взирая, Феодосие.

*И ныне:* Воплощся от пречистых Твоих ложесн, Дево Пресвятая, Божие Слово всем просвети Богоразумия любовь и человеков торжество лику Ангельскому сподоби, на Небесная возведе.

Песнь 3

*Ирмос:* Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Единое Человеколюбче.

Преподобне отче наш Феодосие, моли Бога о нас.

Нетленными дары и духовными, святе, Божественная твоя и блаженная обогащена душа, видети возжелел еси гроб Господень, но свыше был еси возбранен Божиим смотрением.

Преподобне отче наш Феодосие, моли Бога о нас.

Жертва совершенна, истинна и непорочна восхотев быти Агнца, вземлющаго,

блаженне, пречистою кровию грехи всего мира, безкровную жертву приносил еси Ему.

Слава: Уставов ты стяжатель от версты юности, отче, быв и самодержец ума, мирския пучины избежав, наставление приял еси от Божественнаго Духа.

И ныне: Радуйся, рождающая Единая всех Господа: радуйся, человеком радость провозвестивши; радуйся, скиние и несекомая горю, верных утверждение, Единая Препетая.

Господи, помилуй (трижды).

#### Седален, глас 4-й

Паче ума человека явился еси, преподобне, на земли, Божий сад священный, посреде дому Господня стоя, подаеши плод болезней твоих учеником твоим: от уст бо твоих благодать Духа возрастил еси, образ быв подвигов и устав любящих Господа. Егже ныне молити не претай спастися поющим тя.

Слава, и ныне: Возгемев Христова Божественное воплощение, безплотныя враги до конца обличил еси, чудне Феодосие, сего ради вси, вернии, благочестно вопием ти: моли непрестанно о всех нас.

#### Песнь 4

Ирмос: Ты Моя крепость, Господи, Ты моя и сила, Ты мой Бог, Ты мое радование, не оставль недра Отца и нашу нищету посетив. Тем с пророком Аввакумом зову Ти: силе Твоей слава, Человеколюбче.

Преподобне отче наш Феодосие, моли Бога о нас.

Благодать Духа возраст в тебе, отче, егда рождающую тя видел еси, плачущую и рыдающую крепче, ты, предстояв струями слезы точащей, непоколебим столп и неподвижим пребыл еси.

Преподобне отче наш Феодосие, моли Бога о нас.

Лютыми человек враг вселукавый тщашеся оторгнути тебе, Феодосие, от гнезда преукрашенна, желаемая тобою, но ты сего ничтоже вменил еси, полки сего отгоня молитвами твоими и поя: силе Твоей слава, Человеколюбче.

Слава: Окропляя себе дождем духовным, и животным источником напоаяся, и языком наставника Антония, клас Божественный прозябл еси и питаеши множества, неистощимая воистинну Иосифова житница быв.

И ныне: Кто изрещи достойно возможет чудес Твоих, Чистая, глубину? Тобою бо весь мир, хвалу Ти принося, помилован будет и избавляется от бед лютых и различных зол, враг же и напастей.

#### Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма, окайнаго, но обрати мя и к свету заповедей Твоих пути моя направи, молюся.

Преподобне отче наш Феодосие, моли Бога о нас.

Добродетельными подвиги возсия исправление твоё, отче: жилище бо, бывшее древле худо, пространно сотворил еси, многи привед поклонники Богу, подающему

сим всяк довол твоими молитвами.

Преподобне отче наш Феодосие, моли Бога о нас.

Светлыми зарями подвигов твоих отгонимо бываше множество бесов от твоего жилища, шествоваше бо ти всех Творца благодать Духа и слава твоя яви, Феодосие.

Слава: Спаса Щедраго посреде церкви воспел еси, темже щедроты Своя богатыя послал тебе, оскудения разрешая печаль, приснотекущая же дары источая стаду твоему.

И ныне: Превышши бысть Вышних Сил, Богоблагодатная, зачехшая Слово, всяческая словом сотворшее, и рождающая от Отца прежде век неизреченно рождающаяся.

## Песнь 6

Ирмос: Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Преподобне отче наш Феодосие, моли Бога о нас.

Молитвами, и бдением, и псаломскими пениями непрестанно твою душу рай Божественный сотворил еси, животное возрастив древо честное яже, Спаса и Господа.

Преподобне отче наш Феодосие, моли Бога о нас.

Изволил еси тайное смирение, Владычне нищете подобяся, блаженне: волею твоею путь шествуя, повелением лениваго раба везти воз к Божественному месту прииди еси, идеже покланяемь от сретяющих познался еси.

Слава: Подобяся ноги Умывшему Своим учеником, Богомудре, воду черпая и на раму носить изволил еси и древа своими руками принося и сеча начальника трудов себе монахом показал еси.

И ныне: Умерщвлен бысть, Богородице, Тобою многокозненный враг, всю тварь прежде тлею погубивый, мертвии же Тобою к жизни вздыхом, ибо родила еси воистинну жизнь всех, Господа.

Господи, помилуй (трижды). Слава, и ныне:

## Кондак, глас 3-й

Звезду Российскую днесь почтим, от востока возсиявшую и на запад пришедшую, всю бо страну сию чудесы и доброю обогатившу и вся ны содеянием и благодатию монашескаго устава, блаженнаго Феодосия.

## Икос

Кто изрещи возможет подвиги твоя, отче? Или кто изощтит множества трудов твоих и чудес дивных? Еще бо в плоти сый, Безплотнаго видел еси, в плотяне образе беседующа к тебе и дар приносяща тебе, Богом посланное злато. Паче человека ты явился еси смирением и кротким нравом и духовныя мудрости исполнен. Тем, Духа в себе прием, во свете виден был еси, яко солнце, сияя. И мене, тебе поюща, просвети сиянием твоим, преподобне, монашескаго устава, Божественный Феодосие.

## Песнь 7

*Ирмос:* От Иудейи дошедше, отроцы в Вавилоне иногда верою Троицкою пламень пещный попраша, поюще: отцев Божие, благословен еси.

Преподобне отче наш Феодосие, моли Бога о нас.

К молитвам твоим, блаженне, всяк прибегая верою, никогда постыдится: прием благодать прошения, отче, и возвратився, ликует, поя: благословен Бог отец наших.

Преподобне отче наш Феодосие, моли Бога о нас.

Ты отец явился и заступник сирым, и вдовицам надежда, и болящим, отче, востание всем был еси. Темже поем: благословен Бог отец наших.

Слава: Удобрение монахом и путь спасения человеком ты был еси: обогащ бо вся твоими глаголы Божественных таин, учил еси глаголати: благословен Бог отец наших.

И ныне: Из девическия утробы воплощся, Христэ, явился еси на спасение наше. Тем, Твою Матерь вѣдуще Богородицу, благодарственно поем: благословен Бог отец наших.

## Песнь 8

*Ирмос:* Седмерицею пещь халдейский мучитель Богочестивым неистовно разжже, силою же лучшею спасены сия виде, Творцу и Избавителю вопиаше: отроцы, благословите, священницы, воспойте, людие, превозносите во вся веки.

Преподобне отче наш Феодосие, моли Бога о нас.

Якоже пророк Божественный, провидя, Феодосие, являешься, преблаженне, ибо повелеваяши духом принесшему к тебе Евангельское писание изнести, и вопиаше ти, исповедая чистым смыслом жертву Пречистой Богородице.

Преподобне отче наш Феодосие, моли Бога о нас.

К твоему жилищу пририца, яко елень ко источнику, приснотекущая нетленные пищи получитьи благочестивый князь, иже землю сию содержи. Хотя убо свечеряти ему, блаженне, но скудением строителю вопиюще, повелением же твоим наполнися меда сосуд твой.

Слава: Твоя подвиги воспеша Ангельския Силы, Феодосие, и твое житие лик преподобных похвали, светлое и украшенное монахов радование. Тем и ныне, срадуясь Ему веселишися, поя согласно: отроцы, благословите, священницы, воспойте, людие, превозносите во вся веки.

И ныне: Ты, Пречистая Богородице, жизни моея предлагаю Хранительницу и Заступницу непобедиму, Помощница ми буди от бед и скорбей, избавляющи Твоего недостойнаго раба, любовью поюще: отроцы, благословите, священницы, воспойте, людие, превозносите Чистую во веки.

## Песнь 9

*Ирмос:* Устрашился всяк слух неизреченна Божия низхождения, яко Вышний волею сниде даже и до плоти, от Девического чрева быв Человек. Темже Пречистую Богородицу, вѣрнии, величаем.

Преподобне отче наш Феодосие, моли Бога о нас.

Па́мь тво́я днесъ намъ, ꙗко со́лнце, возсия́, преподо́бне: раду́емь, целу́юще ра́ку твою́, и, о́крест обстоя́ще, ꙗко Божество́нный киво́т, ве́рно поёмъ твоё успѣ́ние съ Вы́шними Чи́нми, Феодо́сие.

Преподо́бне о́тче нашъ Феодо́сие, моли́ Бо́га о насъ.

Ра́дуйся, землѣ Ро́сская, приѣмши сокрови́ще некра́домо от Го́спода, помо́щника вели́ка Богоблаже́ннаго и заступника те́пла Феодо́сия, и съ ли́ком по́стническимъ весели́ся и ты, нача́ло гра́де Ро́ссий.

Преподо́бне о́тче нашъ Феодо́сие, моли́ Бо́га о насъ.

Собра́ся торжество́ ны́не въ па́мь твою́ воспева́ти Го́спода, тебѣ пода́вша до́брыя по́двиги, ꙗже ты претерпе́л еси́. Те́мже моли́ся Ему́, свя́те, изба́вися ста́ду твою́му от собла́знъ вра́жиихъ, е́же ты стяжа́л еси́, му́дре, моли́твами твои́ми.

Слава: Спаси́ мя, еди́не Изба́вителю, блудни́цы и блуднаго приѣмъ те́плое пока́ние и мыта́рево, Спа́се, воздыха́ние, и бу́ди ми́лостивъ, Христе́, мне, блудному́, моли́твами Твоего́ уго́дника, отгона́я грехо́въ моихъ мно́жество.

И ны́не: Пощади́ мя, Спа́се рожде́йся, сохра́нив рождшю́ Тя безъ тли по рожде́ствѣ, егда́ сядеши суди́ти дела́ моя́, грехи́ моя́ презре́в и беззаконія́, Безгре́шенъ сый и Ми́лостивъ, ꙗко Чело́веколю́бецъ.